


Jān Būreejtōn Henry B. Eyring

Rikakpilōklōk eo Kein Kajuon
ilo Būreejtōnji eo Kein Kajuon



Mōnōnō kōn Ro Jej Iakwe Er

Kōj aolep im kōṅaan mōnōnō kōn ro jej iakwe er, im jej jab kōṅaan bwe ren metak. Nē jej riiti bwebwenato ko kōn mōnōnō—im kōn metak—ilo Bok in Mormon eo, epoktak buruwōd nē jej lōmṅak kōn ro jej iakwe er. Eñin ej juon bwebwenato eṅool kōn juon iien ekamōnōnō:

“Im eaar ejjelōk jumae doon ilo āneo, kōnke iakwe eo an Anij eo eaar pād ilo buruōn armej ro.

“Im eaar ejjelōk junṅare ko, ak akwāal ko, ak ailwaro ko, ak lōn ko, ak riab ko, ak uror ko, ak jabdewōt wāween mōm an kanniōk; im eṅool eaar ejjelōk bar armej re mōnōnōlōk ilubwilijin armej ro otemjej kar ejaak jān pein Anij.

Innām kōm ar riit:

“Im ekōjkan aer kar jeramṅan! Bwe Irooj eaar kōjeramṅan er ilo aolep kōmṅan ko aer; aaet, eṅool raar jeramṅan im eddōklōk mae jibuki im joñoul iio raar ellālōk; im epepen eo mōktata jān Kraist eaar ellālōk, im eaar ejjelōk epeloñloñ ilo aolepān āneo” (4 Nipai 1:15–16, 18).

Rikaṅoor ro an Kraist im ewōr iakwe ippāer rej jar im jermal kōn kain kōjeraamṅan in ṅan ro jet im ṅan er make. Jān bwebwenato ko ilo Bok in Mormon eo im, ṅan elōñ iaadwōj, jān eñjake ko ad, jejelā bwe mennin letok eo kōn mōnōnō epidodo bōke. Jej jelā bwe iaṅ eo ṅan mōnōnō emōj barāinwōt kōkkalleiki. Jej barāinwōt jelā bwe ṅan dāpijwōt mōnōnō ilo kōj ej jab juon men epidodo mae iien, āinlōk wōt RiNipai ro ālkin loṅok eo an Rilōmōor eo, “iakwe eo an Anij” ej deṅōntok ilo būruwōd.

Iakwe in ekar pād ibūruwōn RiNipai ro kōnke rekar dāpij wōt kakien eo, eo ekar kapidodoiklōk menin. Tukaduin kakien in jej loe ilo jar in kwojkwoj eo, eo ej ijino kōn juon akweṅap in juon bōro erub ṅan Jemedwōj Ilañ eo eṅap iakwe ippān. Jej jar kōn juon bōro eobrak kōn tōmak, im kōn juon iakwe emwilaṅ ṅan, ad Rilōmōor. Jej kallimur kōn bōro eṅool ṅan bōk iood Etan, ṅan keeme-mej E, im kōjparok aolep kien ko An. Āliktata, jej kōjermal tōmak bwe Jetōb Kwojarjar eo, eo ej membōr eo kein kajilu in Anij ko, bwe enaaj pād ippād iien otemjej, kamool ṅan būruwōd kōn Jemān im kōn Nejin Ejitōn Bōro. (Lale K&B 20:77, 79.)

Kōn jemjerā eo an Jetōb Kwojarjar, būruwōd emaroñ otkak bwe jej kōṅaan im jej karuwaineneik iakwe eo an Jemedwōj Ilañ im Irooj Jisōs Kraist. Epidodo wāween in ṅan bōk iakwe eo an Anij ilo būruwōd, āinlōk wōt wāween ad luuji eñjake in iakwe eo ilo būruwōd. ṅan waanjoñak, juon armej emaroñ in kālet bwe en jab emakikij an jar ṅan Jemedwōj Ilañ ak jab kōllā juon mōttan joñoul ak bōjrak an kwojkwoj ioon naan an Anij ak kōjek-dōon rijeramōl ro im ro riaikuj ro.

Jabdewōt kālet ko rej jab jejjēt ṅan kōjparok kien ko an Irooj remaroñ kōmṅan bwe Jetōb eo en emṅakūt jān būruwōd. Kōn jako in, mōnōnō ej diklōk.

Mōnōnō eo jekōṅaan ṅan ro rejitōn bōro ippād ej pedped wōt ioon kālet ko aer. Joñan wōt ad iakwe juon ajri, juon rikkatak, ak ro mōttad, jej jab maroñ iuun er ṅan

kōjparok kien ko bwe ren karbab ñan Jetōb Kwojarjar eo ñan uñūr im ukōt būruweer.

Kōn menin jipañ eo em̄man tata komaroñ leļok ej jab-dewōt men eo ej tōļļok ro otemjej jej iakwe ñan mijōk wōt kălet ko aer make. Alma ekar kōm̄mane menin kōn juon kūr komaroñ in leļok:

“A bwe kom̄ naaj kōttăik kom̄ im̄aan Irooj, im kūr ioon Etan ekwojarjar, im ekkōl im jar im jab bōjrak, bwe kom̄in jab maroñ ioon kapo ko reļļapļok jān ami maroñ inene, im āindein bōk tōl jān Jetōb Kwojarjar, im erom ri ettā bōro, kom̄in jeļānae im jouj; kiplie; obrak kōn iakwe im mean-wōd otemjeļok;

“En wōr ami leke ioon Irooj; en wōr juon kōjatdikdik bwe kom̄ naaj bōk mour indeeo; en wōr iakwe an Anij iien otemjej ilo buruōmi, bwe kom̄ in maroñ jerkak ilo raan eo āliktata im deļoñļok ilo kakkije eo An.” (Alma 13:28–29).

Ij jar bwe ro otemjej kom̄ij iakwe er ren maroñ in bōk juon kūr em̄we ñan kălet iaļ eo ñan m̄ōñōñō eo ejjeļok jem̄lokin.

KATAKIN JĀN ENNAAN IN

Būreejtōn Eyring ej katakin bwe m̄ōñōñō eo jej eñ-jake ilo mour ko ad ej pedped wōt ioon kălet ko ad. Ñe kwonaaj katakin jān ennaan in, ļōm̄nak im pedped wōt ioon men ko Būreejtōn Eyring ekar kwaļok̄i me jemaroñ kălet ñan kōm̄mani (āinwōt jar, jerbāl, kōjerbāl tōmak, kallim̄uri kōj make kōn bōro em̄ool) ñan tōļļok kōj ñan iaļ eo ekam̄ōñōñō. Komaroñ kajjitōk ippān ro kwoj katakin bwe ren jeje ruo ak jilu m̄akūt̄kūt ko rekōñaan kōm̄mani, ko me remaroñ in em̄manļok aer tōļļok er ñan “iaļ eo ñan m̄ōñōñō eo ejjeļok jem̄lokin.”

JODIKDIK RO

M̄akūt̄kūt Ko Me Rej Tōļļok Ñan M̄ōñōñō

Būreejtōn Eyring ej katakin bwe “m̄ōñōñō eo jekō-ñaan ñan ro rejitōn bōro ippād ej pedped wōt ioon kălet ko aer.”

Komaroñ riiti wāween ko rej waļok ikkijen kălet ko ad jān waanjoñak ko an Nipai, Leman, im Lemuel. Leman im Lemuel raar ellotaan im kar jab kōñaan kōjparok kien ko (lale 1 Nipai 2:12). Tōprak in jab pokake eo aer, er im ro ineer rekar lia im mwijkōk jān im̄aan mejān Irooj (lale 2 Nipai 5:20–24). Nipai ekar kălet bwe en pokake kien ko (lale 1 Nipai 3:7), im kōn wōt menin, e im armej ro an “rekar mour ilo juon wāween elem̄ōñōñō” (2 Nipai 5:27).

Komaroñ kălet bwe kwōn wăppen im m̄ōñōñō. Ak armej ro ipeļakūm̄ renaaj kōm̄man wōt kălet ko rejjab em̄man, ko rej tōļļok ñan jool ak aploñloñ. Tōre in jokălet kein rej aer ñan kăleti, waanjoñak eo am̄ emaroñ jipañ er ilo kălet ko aer ñan emmanļok eo aer. Ewi wāween an kălet ko am̄ maroñ bōktok lem̄ōñōñō ñan ro jet? Kōnono ippān baam̄le eo am̄ oktak in wāween ko remaroñ in kōketak ro ipeļakūm̄ im jipañ er m̄ōñōñō.

AJRI RO

Kajjitōk Kōn Jouj

Ke Jisōs ekar loļok armej ro ilo Amedka, Ekar katakin **K**er bwe ren iakwe doon im jouj ñan doon. Ta eo komaroñ in kōm̄mane ñan ļoor Jisōs im iakwe ro jet? Erkein rej jet iaan ļōm̄nak ko. Jăake im m̄aake kajjojo kajjitōk ko ilo am̄ wanlaļļok.

- Imaroñ bakūwij juon eo ej burom̄ōj.
- Imaroñ jipañ juon ilo ittiņo.
- Imaroñ riiti ak alooje juon katak jān kweilok eo eļap kōn lukkuun jouj.
- Imaroñ al juon al in Būraimere ñan baam̄le eo aō.
- Imaroñ ettōn dikdik ñan juon eo eajjimizeke.
- Imaroñ _____.
- Imaroñ _____.

© 2016 jān Intellectual Reserve, Inc. Aolep jim̄we ko rej pād ippān. Jeje ilo USA. Kōm̄alim ilo kajin English: 6/15. Kōm̄alim an ukook: 6/15. Ukook eo an *First Presidency Message, January 2016*. Marshallese. 12861 874



Tōmak, Baamle, Deor

Baamle Eo: Juon Naan in Kean nan Laḷ in

Kanooj jar ilo am ekkatak kōn katak in im pukōt nan jelā ta eo kwonaaj kwaḷḷok. Ilo am meḷeḷe kōn katak ko an baamle, ewi wāween aer naaj kōjeraaman ro kwoj oṅaake er itok wōt jān loḷok ko an kōrā? Nan meḷeḷe ko relḷapḷok, etal nan reliefsociety.lds.org.

Jān kweilok eo eḷap an Doulu eo an Kōrā ro ilo 1995, ke Būreejtōn Gordon B. Hinckley (1910–2008) ekar jino riiti “Baamle Eo: Juon Naan in Kean nan Laḷ in,” Bonnie L. Oscarson, būreejtōn eo eutie an Doulu eo an Jiroñ ro, ekar ba: “Jej ṁōṅōṅō kake im kaorōke, pedped in, im ṁōdenḷok eo emool an peba in. . . . Kean eo an baamle eaar erom pedped in katak eo ad nan jumae jelā ko an laḷ in, im ij kamool bwe pedped ko kar kwaḷḷoki ilo ennaan in rej ṁool rainin āinwōt aer kar litok nan kōj jen juon rikanaan an Anij enaṅin 20 iio remootḷok.”¹

“Jān naan in kean eo an baamle,” Carole M. Stephens, rikapilōklōk eo kein kajuon ilo būreejtōnji eo eutie an Doulu eo an Kōrā ro ekar kwaḷḷok, “jej katak, ‘Ilo jikin eo ilo mour eo ṁokta, ajri in jetōb ro nejin raar jelā im kabuñjar nan Anij āinwōt eo Jemeir Indeeo’² . . .

“ . . . Kōj kajjojo jej an im aikuj ilo baamle eo an Anij.”³

Jej mour ilo juon tōre im ro jinen im jemān rej aikuj kōjparok ṁōko

ṁweer im baamle ko aer. “Baamle Eo: Juon Naan Kean nan Laḷ in” nan tōl kōj.

Bar Jet Eoon Ko

Mosaia 8:16–17;

Katak im Bujen ko 1:38

Bwebwenato ko remool raan kein emōj Jeiki

“Lee Mei Chen Ho jān Tao Yuan Third Ward, Tao Yuan Taiwan Stake, ekar ba bwe naan in kean eo ekar katakin e bwe kōtaan ko an baamle eo ej jipaṅ ejaake kadkad ko rekwojarjar āinwōt tōmak, kijenmej, im iakwe. ‘Ñe ij kajjieoñ kaddōkḷok nā make ekkar nan naan in kean eo, imaroñ eñjake ṁōṅōṅō eo emool,’ liin ekar ba.”⁴

Barbara Thompson, eo ekar kwaḷḷok ke ekar pād ilo tōre eo jinoin an tilmaake naan in kean eo an baamle im tokālik ekar jermal āinwōt juon rikakpilōklōk ilo būreejtōnji eo eutie an Doulu eo an Kōrā ro, ekar ba: “Ikar ḷōmṅak iumwin jidik iien bwe [naan in kean eo an baamle]

ekar jab lukkuun jelet nā ke ikar jañin ṁare im ekar ejeḷok neju ajri. Ak emōkaj aō kar bar ḷōmṅake, ‘Ak menin ebar jelet eō. Ñaij juon membōr in juon baamle. Ij juon leddik nejin, juon sister, juon aunt, juon rilikin, juon eo nej nejin, im juon jibwin. . . . Aaet meñe ikar make wōt membōr in baamle eo im emour, ij juon membōr in baamle eo an Anij.’⁵

KAKEEMEMEJ KO

1. Bonnie L. Oscarson, “Rijojar ro an Naan in Kean eo an Baamle,” *Liaona*, Māe 2015, 14–15.
2. “Baamle Eo: Juon Naan in Kean nan Laḷ in,” *Liaona*, Nov. 2010, 129.
3. Carole M. Stephens, “Baamle eo Ej An Anij,” *Liaona*, Māe 2015, 11.
4. Nicole Seymour, “The Family: A Proclamation to the World’ reaches 10-Year Milestone,” *Liahona*, Nov. 2005, 127.
5. Barbara Thompson, ilo *Daughters in My Kingdom: The History and Work of Relief Society* (2011), 148.

ḷōmṅak kōn Menin

Ekōjkan an menin “Baamle Eo: Juon Naan in Kean nan Laḷ in” juon ennaan nan raan kein ad?